

Ngā Mahi a Te Rēhia Kaupae 1

Te Pūrongo Aromatawai ā-Waho 2024



Te Marautanga o Aotearoa

Te Rā Aromatawai

Te Momo Aromatawai

Ngā Paerewa Paetae

Ngā Mahi a Te Rēhia

Te 30 o Oketopa 2024

He Kete Manarua

92063 me te 92064

Te Wāhanga 1: He Tirohanga Whānui

Kete Manarua – He kohikohinga taunakitanga ā te ākonga i te roanga ake o te tau, ā, ka ahu mai ngā taunakitanga i ngā kaupapa huhua nā te ākonga rānei, nā te kaiako rānei i whakatau hei mahi mā te ākonga.

Te Wāhanga 2: He kōrero mō te Paerewa

92063: Te whakaatu māramatanga ki ngā huānga toi rēhia

Te Aromatawai ā-Waho:

1. He kōwhiringa mā te ākonga. Mēnā rānei ko te **tuhituhi**, mēnā rānei ko te **kōrero ā-waha**.
2. He mātaki i ngā rauemi-whakaoho e rua.
3. He matapaki i ngā huānga toi ā-rēhia e kitea ana i ngā rauemi-whakaoho e rua.
4. He whakahāngai i ngā huānga toi ā-rēhia mā te tuhituhi rānei, mā te kōrero ā-waha rānei.

Ko tā te ākonga mahi he whakaatu māramatanga ki ngā huānga i roto i ngā toi ā-rēhia. E rua ngā haka hei aromātai, hei tātari, hei arohaehae hoki mā te ākonga.

E toru ngā tūmahi hei mahi whakatutuki mā te ākonga i te wāhanga tuhituhi.

Wāhanga 1:

*Ka whakamārama i te hāngaitanga o ngā huānga toi ā-rēhia i te haka o **Angitū**.*

- *Ā-tuhi: Kia 150 kupu mō ia huānga toi ā-rēhia.*
- *Ā-waha: Kia 1 meneti neke atu rānei te roa o te kōrero.*

Wāhanga 2:

*Ka whakamārama i te hāngaitanga o ngā huānga toi ā-rēhia i te haka o **Whāngārā Mai Tawhiti**.*

- *Ā-tuhi: Kia 150 kupu mō ia huānga toi ā-rēhia.*
- *Ā-waha: Kia 1 meneti neke atu rānei te roa o te kōrero.*

Wāhanga 3:

*Ka whakahāngai i tētahi huānga toi ā-rēhia i kitea i **ngā haka e rua**.*

- *Ā-tuhi: Kia 150 kupu.*
- *Ā-waha: Kia 1 meneti neke atu rānei te roa o te kōrero.*

Pūrongo Paerewa Paetae:

I mārama pai ngā ākonga ki ngā tohutohu o te aromatawai ā-waho, heoi ko te ruku hōhonu ki ngā huānga toi ā-rēhia hei whakaātu i tōna hāngaitanga ki te kaupapa o te haka ki konei eke ai ki ngā taumata o paerangi.

Ko ngā ākonga i eke ki te **Kairangi** i te paerewa paetae nei:

- i auaha te whakatakoto o ngā whakaaro, ka mārama hoki te kite i te hononga o te huānga toi ā-rēhia ki ngā rauemi whakaoho e rua.
- i kaha rangahau te ākonga i te tikanga o te huānga toi ā-rēhia i tautohua e ia.
- i whakaatu i ana tirohanga whānui ki ngā huānga toi ā-rēhia o te aromatawai ā-waho.

Ko ngā ākonga i eke ki te **Kaiaka** i te paerewa paetae nei:

- i mārama te kite kua whai hononga, kua whai aronga anō hoki te huānga toi ā-rēhia ki te horopaki o ngā mahi.

Ko ngā ākonga i eke ki te **Paetae** i te paerewa paetae nei:

- i whakamahere mai i ētahi whakaaro i roto i tētahi tuhinga poto, ā, i tautohua he huānga toi ā-rēhia. I pai noa te whai hononga ki te horopaki o te mahi.

Ko ngā ākonga **Kāore i whiwhi** i te paerewa paetae nei:

- Karekau he ākonga Kāore i whiwhi i te paerewa paetae nei.

92064: Te whakamahi i ngā āhuratanga toi ā-rēhia kia puta ai he mahinga toi

Te Aromatawai ā-Waho:

TŪMAHI 1: Mā te ākongā tētahi mahinga toi ā-rēhia e whakaputa mā te whakatinana i ngā āhuratanga toi ā-rēhia:

- ka wānanga i te momo mahinga toi ā-rēhia ka whāia.
- ka kōwhiri i tētahi āhuratanga **o ia** toi ā-rēhia hei whakaatu, hei whakatinana i te whakaaturanga toi ā-rēhia, kia 1 -3 mēneti te roa.
- ka whakarite i te ara e tutuki ai i ngā āhuratanga toi ā-rēhia i te mahinga toi.
- ka whakatinana i ngā āhuratanga toi ā-rēhia mā te mahinga toi.
- ka hāngai hoki te mahinga toi ā-rēhia ki te kaupapa/te horopaki.

TŪMAHI 2: Ka whakaatu te ākongā i ōna māramatanga ki ngā tikanga matua o ngā āhuratanga toi ā-rēhia arā, he pūkenga, he tukanga, he huānga, he ariā anō hoki.

Ko tā te ākongā he tuku mai i tāna tauāki whakamārama ā-tuhinga rāpopoto, ā-reo arataki rānei.

Pūrongo Paerewa Paetae:

I mārama pai ngā ākongā ki ngā tohutohu o te aromatawai ā-waho, heoi mā te whakatinanatanga o ngā huānga toi ā-rēhia i roto i ana mahinga toi ā-rēhia e whakaatu mai i te hohonutanga o te whakaaro ki konei eke ai ki ngā taumata o paerangi.

Ko ngā ākongā i eke ki te **Kairangi** i te paerewa paetae nei:

- i matapakihia ngā whakaaro hei whakaatu māramatanga ki ngā āhuratanga toi ā-rēhia, ka whai hononga, ka whai aronga, ka whaihua anō hoki i roto i te horopaki o te mahi.
- i whakamāramahia, ā, i whakatauritehia te āhua o ngā āhuratanga toi ā-rēhia.

Ko ngā ākongā i eke ki te **Kaiaka** i te paerewa paetae nei:

- i āta tautohua ngā āhuratanga toi ā-rēhia e pai ai te whakaatu māramatanga.

Ko ngā ākongā i eke ki te **Paetae** i te paerewa paetae nei:

- i tautohu, i whakamāramahia hoki i tētahi āhuratanga toi rēhia, ā, i whai hononga te āhuratanga toi rēhia ki te horopaki o te mahi.

Ko ngā ākongā **Kāore i whiwhi** i te paerewa paetae nei:

- Karekau he ākongā Kāore i whiwhi i te paerewa paetae nei.